

KOLOSEFO Paulo Ovoli Kĩ Etsɛɛ ɛma Kolosefo

^I Ovoli kĩ to yĩ, Paulo, kĩ ndani Kristo Yesu foto ɔnyane ne Baguma kawɛ onukpɛ, kĩ bɔmɔ Timoteo letsɛɛ ye bɔama mi. ^{II} Bɔtsɛɛ ye bɔamena boe bawaɛ a kĩ Baguma kpale be akũ, kĩ bideĩ ne Kolose, kĩ betɛ Kristo bido, bekɛna ɔmɔa mɔ ye a.

Baguma, boe ɔlega ɛmɔ mi kɔnya, ɛkra mi lukudo lemɛ.

Paulo Nye Baguma Kɔɛ Ne Kolosefo Lɔɔ.

^{III} Nte bɔabɔa mpae ne mi lɔɔ daa ni, bɔanye Baguma boe ɔlate Yesu Kristo ɔlega a kɔɛ, ^{IV} kitonekĩ bunu ayekĩ mite Kristo Yesu mido, mɔ ayekĩ miawe Baguma bade a flee kale. ^V Kĩ benya loto bekɔa ɔnɔkɔali kale a, Kale Wĩ a bɛma mi a, minu kɔnɛte a kĩ kudeĩ kɔkpa mi a. Foesũ mi katɛkado mɔ ɔɔɔ dzɛ ne letsɛ a kĩ miadã anɛ a, kĩ bɛmanɛ biyi ne ode bekpa mi a akũ. ^{VI} Kale Wĩ a lamɛna anɛ kabo kawũ babi wĩ, ade kelamɛna kagba ne katinya kamɛ flee, ndɛ ayekĩ kegba ne mi kamɛ kito luwi a kĩ minya loto minu ayekĩ Baguma amɔ bati kɔnya, ade minu ke kayɔ kanu wĩ a. ^{VII} Epafra letsɛ mi fɔtsa ne Baguma bati kɔnyakamɔ akũ. ɛnye boe ɔkɔba adzuma ɔkɛnane kĩ bɔawe kale paa, kĩ yakɛna Kristo adzuma a ne ɔnɔkɔali kamɛ ne boe kadokɔ. ^{VIII} Ye libi boe mi ɔɔɔ a kĩ Baguma Hũhũ a kɔa edo ne mi kamɛ a.

IX Ne foesũ boaboa mpae daa ne mi lolõ, kito luwi a kĩ bunu mi nkã a. Boake Baguma aduli kĩ ebinya mi adzuni kame mipuli minyi ye, mina nyansã mo foletsã kayokanu flee a kĩ Baguma Hũhũ a akpa a. **X** Fukĩ aafõ mipuli midzi nkpã nde ayekĩ Boe Olate awe, mikena letsã a kĩ fõawo ye ane daa, lokoa mi adzuma wĩ adi nye adi aawũ babi, mibo ane ne Baguma kanyi kame. **XI** Baguma ekoa ye kobẽ flee a kĩ kuto ye kukũkpale kobẽ a kame epi mi, ayekĩ miapuli mido owõle mina owõle boe leme ne letsã nye letsã kame. **XII** Mikoa kawõle minye Olega a kole loko nye loko, kitonekĩ ye lefõ mikpõla, kĩ mimõ bati a kĩ Baguma kpale be akũ a, miãana tsefã ne ye legãkanyakõ ohaĩ a kame. **XIII** Baguma lenye boe soũ etomena otũ kame kobẽ kame, ekoa edo ne ye Obi kĩ yaátunõ ye kale a legãkanyakõ a kame. **XIV** Obi kĩ akũ bõtsã bõna akũ akũ kadzi, mo tokpa kakõakate.

Oti a Odu Kĩ Kristo Ane Mo Adzuma a Kĩ Ekena a.

XV Kristo nye Baguma a kĩ boãmo mo ane a kutidu. Ade ye nye Baguma Obi otonyade kĩ yanya fõtsã flee a kĩ bebõa ne katinya kame a akũ a. **XVI** Kitonekĩ Baguma tsã Kristo akũ ebõa letsã nye letsã kĩ lideĩ ne tite mo ode, fukĩ boãmo mo fukĩ boãmo, mo hũhũ kame kobẽ, kĩ fõnye fõgã, abãã mo otumifõ. Baguma tsã ye akũ ebõa katinya kame fõtsã flee edo ne ye awe. **XVII** Kristo deĩ katinya fõmo bebõa letsã nye letsã, ade fõtsẽ ye akũ fõtsã flee akena omõa a. **XVIII** Ye nye asoli a lolõ, ade asoli a leme nye ye sukena a. Asoli a

né eto ye kame, ade enye Baguma Obi otonyade kī eyidza eto kanokpa, ayekī ye odi aanya loto onyanε ne letsa nye letsa kame. **XIX** Kitonekī fonye Baguma kawε kī Obi εna ye Baguma kutidu a flee odu. **XX** Baguma tsā obi akū, elola bemo katinya kame flee kayite. Ade foe nye kī etsā ye Obi a kī ewula baboanε ne asendua akū a akū, eyamena lukudo ne ye mo fotsa a kī fudei ne tite mo ode a flee kayite.

XXI Ne loko lidi kame ni, mina mo lugo ne Baguma akū, ade minya ye bakesine ne fotsa kpa a kī mikakena mo tokpa a kī mikakona a sū. **XXII** Leme finyaa, ne Obi wuda ne asendua akū a sū ni, Baguma kena mi ye bakoba ayekī yaakpā mi eyamena ne ye anε ndε bati kī mi akū kpale, kī nfumusulu lēlāa mi akū, kī odima leme lēlāapuli ekō mi koto. **XXIII** Foesū kene kī midza pintii ne mi katekado kame, mitafone mi konete a kī midei ne Kale Wī a akū a kī bubi mi minu a awe. Ade Kale Wī kī akū bide letsā bekpa katinya kame flee a. Ade Kale Wī kī osumune yī, Paulo, ndani a.

Paulo Kena Adzuma Nde Asoli a Osumune Aye.

XXIV Finyaa, kawole ade yī kī mmó lubo ne mi lolō. Mamó lubo ne yī sukēna kame nkōa nwūna lubo a kī lite kī Kristo kī enye asoli a lolō emō ne sukēna kame. **XXV** Baguma kena yī asoli a osumune, kī nde letsā ne Kale Wī a akū nkpa mi, ayekī bati flee aanyi Baguma foletsa a flee kanyi wī. **XXVI** Ade foletsa kolawa kī Baguma kōa ekōla batidziwa kasinu flee kito anε kokokoe a. Leme finyaa Baguma nye foe kanya etsa ye bati a kī bete ye bido a. **XXVII** Baguma kawε nye kī yanye

ye fotsa kolawa mo koyā a, mo foe kukūkpale a etsa bati flee. Foletsa kolawa a nye kī, Kristo deī ne mi kame, foesū mideī Baguma kukūkpale a kudi. ^{XXVIII} Ade foesū boade letsā ne Kristo akū kakpa odi nye odi a. Bonee boe nyansā flee boade odi nye odi katsa be fotsa leme, ayekī bóakpā be bonamena Baguma ane nde bati kī bibo ane bekpola, bekena omoa mo Kristo leme. ^{XXIX} Ade fukī sū nlamena kapili mo osī mo osī kakena adzuma a, mo kobē kpale a kī Kristo ado yī a.

II

^I Mawe kī minyi adzuma mo osī mo osī a kī nkēna nkpa mi, mo bati a kī bideī ne Laodikea, mo bati nkae flee a kī binyína yī mo ane a. ^{II} Male fukī ayekī baado owole, bekēna omoa ne odo kame. Fofō bēna foletsa kayokanu yededeede a kī bike otse ne foe akū a, binyi Baguma fotsa kolawa a kī foe fonye Kristo moawe a. Fukī nye akū kana fotsa kpale. ^{III} Kristo kame Baguma kōa ye fotsa mo koyā a, kī foe nye ye nyansā mo kadikanyi a ekola. ^{IV} Foesū mabi mi kī mitafō odima kī edeī seme leke mi mo fōvā foletsa kayokanye. ^V Tito kī nlāa mi kame ne sukēna kame malo ni, ndeī ne mi sekē ne hūhū kame, ade kawole ade yī kī mmó kī mitsē ne osi kpī akū, ade midzē pintii ne Kristo katekado kame leme a.

Oti Nkpā Flee Kana Deī Ne Kristo Kame.

^{VI} Ayekī mite Kristo Yesu nde Olate aye sū ni, mikēna omoa mo ye ne mi nkpā kadzi kame. ^{VII} Mine tunu ne ye kame, midzi nkpā nde ye aye, lokoa midza pintii ne mi katekado kame nde

ayekĩ botsa mi a. Ne foe kawũna a ni, mikaanye Baguma kole daa.

VIII Foesũ midã kadã wĩ kĩ odima etakoa katinya kame kadikanyi mo kake pupulidza eke mi miyela osi wĩ a. Kitonekĩ kadikanyi a na to batidziwa temanie katsa kĩ benye bitomena hũhũ kĩ yanya owe akũ a kame, kĩ nné Kristo sekẽ futo. **IX** Kitonekĩ Kristo kame Baguma kutidu a flee deĩ, **X** ade mi omoa kakena mo Kristo kpa mi nkpã kĩ ekpola flee ne ye kame a. Kristo deĩ kobẽ kpale ne hũhũ kame kobẽ mo otumi adi nye adi akũ.

XI Kristo kame mikena nde bitsua mi fokpati, nné lekpati katsua a kĩ batidziwa akena mo awe a, mbom mi tokpa a kĩ mikena ne sukena kame a bewola ne mi akũ. Ade fukĩ nye lekpati katsua ne Kristo kame a. **XII** Kitonekĩ, kĩ bewola mi mui a, mimo Kristo bibila, ade ne mui kawola kame a, mimo Kristo Baguma dzela etomena kanokpa, kitonekĩ mite Baguma kobẽ a kĩ ekoa edzela ye a mido.

XIII Ne loko lidi kame ni, minye bati kĩ biku ne hũhũ kame, ne mi tokpa mo ayekĩ minyé Yudafo kĩ milá mbla a leme sũ. Leme finyaa Baguma kpa mi mo Kristo nkpã, kitonekĩ ekoa boe tokpa flee ete boe. **XIV** Baguma wola nhihie a kĩ betsele biyi kĩ esui boe, ekõ boe koto ne mbla a onukpẽ a, ade ekoa ebõa ne asendua a akũ a. **XV** Ne asendua akũ a, Kristo te kobẽ ne hũhũ kame fogã mo hũhũ kame batumifo a flee awe, ade edo be konyõã ne kanade, ade ekpã be nde bati kĩ bipili be ndom aye ne ye kawole kame enamena a.

XVI Foesũ mitafõ odima lekã mi ane ne letsa a kĩ mianya iye miamoa a akũ, iye luwi kpalewa

kanya, odeto vɔɛ kade fuwi kanya mɔ Kaweya Luwi kanya akū. ^{XVII} Fukĩ bame flee nye letsa a kĩ lideĩ ne liti laya a kuyo keke. Letsa mɔawe a nye Kristo. ^{XVIII} Mitafɔ odima kĩ ebɔe ye akū kĩ ebẽ mi, kitonekĩ ena kanyekatsa titiliwu sũ lekɔ mi kɔtɔ, lɔkɔa eke mi kĩ midɔla mi akū ne tedake kame misum ode fɔtɔ banyane. Oti kĩ odu adela ye akū ne ode pupulidza, kitonekĩ batidziwa adzuni odi edeĩ. ^{XIX} Oti kĩ odu wai akū ne Kristo a kĩ ye nye lolɔ a akū. Lemɛ ade Kristo a kĩ enye lolɔ a sekẽ sukena a flee ana funitsã katomena a. Ade Kristo pini sukena fɔtsakɔ fɔtsakɔ mɔ tisĩ flee ekpota, fɔabo anɛ nde ayekĩ Baguma awe a.

Ayekĩ Bɔadzi Nkpã Vɔɛ Ne Kristo Kame.

^{XX} Ayekĩ mimɔ Kristo liku sũ ni, miné ne hũhũ a kĩ yanya katinya kame akū a kobẽ kayɔ. Lɔkɔa nde sũ midzi nkpã nde katinya kĩ bati miane? Nde sũ miadi tebala nde, ^{XXI} “Takena fukĩ akū adzuma, tata fukĩ onukpẽ,” ãye “takɔa awe ɔta fɔbebã lemɛ”? ^{XXII} Tebala kĩ flee nye fɔtsa a kĩ fɔawɔ nte bakena foe akū adzuma, kitonekĩ batidziwa tebala mɔ fɔtsa katsa fɔane. ^{XXIII} Ne kamɔ kame ni, nte odi pi tebala kĩ edomɔ akū, edɔla ye akū, mɔ emɔna ye sukena lubo ni, nyansã baũ adi deĩ ne foe kame, lemɛ fukĩna kakena lãbumɔ oti yapuli kanya ye sukena kame fɔwetsa akū kɔlaa.

III

¹ Baguma dzela mimɔ Kristo etomena kanɔkpa, foesũ mikɔa mi anɛ mite ne fɔtsa a kĩ fudeĩ ne ode, awã kĩ Kristo dzi ne Baguma sɔmɔna a akū.

II Mifõ mi adzuni ete ne ode fõtsa akũ, kĩ nné ne tite kĩ fõtsa akũ, III kitonekĩ kĩ miku a, bekõa mi nkpã mõ Kristo bekõla ne Baguma kame. IV Nte Kristo kĩ enye mi nkpã a, nye ye akũ katinya ni, mi malo míáne kanya mõ ye, ne ye kukũkpale a kame.

Nkpã Kõe a Mõ Avõõ Kadzi.

V Foesũ miko tite akũ fõwetsa a kĩ fudeĩ ne mi kame a. Ade foe nye, adõpaa kabõa, fõtsa kpa kĩ fõado oti efĩ, sukena odo fõwetsa kpa, odo fõtsa kpa mõ ane ngbã. Ne õnokõali kame ni, ane ngbã nye baviõ kasum. VI Ade fukĩ bame aafõ Baguma kalõkpa leya ne bati a kĩ bideĩ ato õsĩ akũ a. VII Ne nkpã kĩ midzi mitẽ a kame a, mi malo mibõa õbla kpa a na odu.

VIII Leme finyaa kene kĩ mifõne fukĩ flee awe. Ade foe nye kalõkpa kana, õwõle kahulu, likesĩ, bati kavũna, fubusuotsa mõ fõnyõãtsa kale. Ketáne kĩ fukĩ flee ane ne mi onukpẽ. IX Mitakama fõvã kakpa akũ, kitonekĩ mifõne mi tebla kõe a awe. X Mibõe õbla võõ kĩ mido. Baguma lamena tebla kõe kadani lõkõ nye lõkõ ne ye kutidu onukpẽ, ayekĩ míanyi ye kanyi wĩ.

XI Ne fukĩ kame kõ ni, ntsitsemu adima leláa Yudafõ mõ bikĩ benyé Yudafõ, ñye bikĩ bitsua fõkpati mõ bikĩ betátsua fõkpati a kayite. Ade ayea ntsitsemu buki eláa banõvõõ, bikĩ be ane tábinya, mõ bikĩ bidzi be akũ akũ mõ basate kayite. Be flee benye õmõa ne Kristo kame ade Kristo leme deĩ ne be flee kame a.

XII Kĩ minye Baguma bati kpalewa kĩ epau, yawe kale leme sũ ni, mibõa õbla võõ a kĩ eketimõ foe a. Ade ye nye oti konyakamõ, seme kale

kakena, kado mo owole boee kana. ^{XIII} Mina owole boee mikpa akũ. Nte odi fum odi ni, miakoa mite ye nde ayekĩ boe ɔlate lemɛ kɔa mi tokpa ete mi a. ^{XIV} Fukĩ fobẽ nye kĩ ɔdo ena ne mi kame, kitonekĩ ɔdo aboomu fɔtsa flee kakpota mo foakpola kakpola wĩ.

^{XV} Mifõ Kristo lukudo a lenya akũ ne mi kame, kitonekĩ ade lukudo kĩ sũ Baguma ve mi ekpota nde oti moa aye a. Minya kole banyene. ^{XVI} Mifõ Kristo Kale Wĩ a, mo ke koyakate a flee kidzi ne mi kame. Mitsa akũ fɔtsa, mikpa kode ne nyansa flee kame. Misã Psalomo tɔno, asoli tɔno, mo Hũhũ kame tɔno mikoa minye Baguma kole ne mi towole flee kame. ^{XVII} Foesũ letsa nye letsa a kĩ miakena iye miale ni, mikena foe ne boe ɔlate Yesu dĩ akũ, mitsã ye dĩ akũ minye Baguma boe ɔlega kole.

Bats Badone Kadzi Ne Nkpã Vɔẽ a Kame.

^{XVIII} Mi fonyo badzine, midola mi akũ mikpa mi banyo, nde ayekĩ kefeta Kristofo.

^{XIX} Mi batsõ bakoãne miwe mi batsõ kale, mitakena be aũkani.

^{XX} Mi babisẽ, mitse mi bamane ɔledo ne letsa nye letsa kame, kitonekĩ ade foe awo Baguma ane a.

^{XXI} Mi balega, mitado mi babi kalokpa, ayekĩ akpo leláaveli be.

^{XXII} Mi basumune, mibu mi balate ne tite akũ ne letsa nye letsa kame, mitakena ane kame keke fɔtsa kĩ bati bimu mi. Mbom misum be ne onkoali kame nde bati kĩ bavila Baguma. ^{XXIII} Adzuma adi nye adi kĩ miakena ni, mikena ye mo mi towole flee, nde boe

Ɔlate miakena mikpa, kī nné batidziwa miakena mikpa. ^{XXIV} Mite ane kī boe Ɔlate aakpa mi nde kɔtɔkase aye, letsa a kī emanɛ eyi ye bati, kitonekī Kristo, boe Ɔlate mɔawɛ a boasum. ^{XXV} Baguma aase tɔkpa bakenanɛ a tɔkpa a kī bekɛna a kɔtɔ, kī otī ane kadā leláana nɛ foe kame.

IV

^I Mi balate mikɛna letsa a kī lefeta, mɔ likī lenenɛ lemɛ mikpa mi basumunɛ, kitonekī minyina kī mideĩ Ɔlate nɛ ode.

Paulo Kpa Kɔdɛ.

^{II} Mina nɛ mpaɛbo kame mɔ osĩ mɔ osĩ. Nte miabɔa mpaɛ ni, mi adzuni ɛdza nɛ letsa mɔa akū, mikaanyɛ Baguma kɔlɛ luwi daa. ^{III} Mibɔa mpaɛ nɛ boe malo lolɔ, ayekī Baguma aabinya osi ɛkpa boe bude letsā nɛ Kristo kale kolawa a akū, kī ke sū finyaa malo nwaa kɔla a. ^{IV} Mibɔa mpaɛ mikpa yĩ mpuli nkpale foletsɛ kolawa kīĩ kame ntsa yededeede ndɛ ayekī kɛfeta kī nkɛna a.

^V Minyi ayekī míatsā nɛ nyansā kame mɔ bikī benyé batɛ badonɛ a, lɔkɔa mikɛna osi nye osi kī ebinya ɛkpa mi a akū adzuma kakɛna wĩ. ^{VI} Mile kɔdzɛla nɛ obu kame, ayekī fɔalɛ bati katse, lɔkɔa minyi ayekī kɛfeta kī miakpa odi nye odi mbuayɛ.

Kukūwɔna Nkaɛ.

^{VII} Tihiko, boe ɔwaɛ kī boátunɔ kalɛ, aayabi mi yĩ akū foletsɛ flee. ɛnyɛ boe ɔkɔba ɔsumunɛ kī yadi ɔnɔkɔali nɛ boe Ɔlate adzuma a kame. ^{VIII} Ade foesū nlamɛna ye kado nɛ mi sɛkẽ kī

eyaabi mi boe akū foletsa, lokoa edo mi kobē. **IX** Onesimo, boe owaē kī yadi onokwali, kī enye mi kame omoa a, aatomō ye beya ne mi sekē. Baabi mi letsa nye letsa kī lelamena kaya ne awī a flee.

X Aristarko, kī bomo ye waa kola a, awōna mi. Ade ayea Marko, Barnaba owaēnyole leme awōna mi a. Inya loto nkpa mi kanyi kī nte Marko ya ni, mite ye mo kawole. **XI** Yosua kī bibuki bave Yusto leme awōna mi. Bati elale kī odi nye Yudafō kī bedani Kristofō bakena mo yī adzuma a bokpa Baguma legākanyakō a. Ade ye ale kado yī a.

XII Epafra, Kristo osumune, kī enye mi kame omoa a leme awōna mi. Yaboa mpaε mo osī mo osī luwi daa ne mi lolo kī midza pintii, mibo ane mikpola ne katekado kame, lokoa mikena Baguma kawε ne letsa nye letsa kame. **XIII** Yī moawe a maapuli ndi ye akū adansie kī yakena adzuma mo osī mo osī kakpa mi, mo bati a kī bideī ne Laodikea mo Hierapoli. **XIV** Boe owaē Luka, tutsonu okenane a kī boātuno kale a, mo Dema awōna mi. **XV** Miwōna boe bawaē a kī bideī ne Laodikea mikpa boe. Ade ayea miwōna boe owaē Nimfa mo asoli bati a kī batsena ne ye toto kame a leme mikpa boe a.

XVI Nte mikā ovoli kī miyua ni, midā kī benakā ye bekpa asoli bati a kī bideī ne Laodikea leme. Ade ayea kene kī mi malo miakā ovoli a kī asoli bati a kī bideī ne Laodikea aakoa bema mi a.

XVII Ne kawūna a, mibi Arkipo kī boe Olate osum adzuma a kī bekoa bido ne ye awe a ni, edā kī ekena ye ewūna pεpεpε.

XVIII Yĩ Paulo mɔawɛ lɛkɔa yĩ awɛ ntsele
kawõna foletsã kĩĩ. Mite anɛ kĩ mbuki nwaa kola!
Baguma konyakamɔ a, kitomɔ mi.

Baguma Apam Vɔɛ a Tuwuli
Tuwuli: Baguma Apam Vɔɛ a Tuwuli New Testament
copyright © 2008 Wycliffe Bible Translators, Inc.

Language: (Tuwuli)

Contributor: Wycliffe Bible Translators, Inc.

All rights reserved.

2020-12-01

PDF generated using Haiola and XeLaTeX on 21 Feb 2024 from source
files dated 29 Jan 2022

68df0193-2981-5275-8994-8f743fe01e5e